



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Johannis Strauchi[i] Jcti Amoenitatum Juris Canonici
Semestria duo**

Strauch, Johann

Jenae, 1675

Cap. VIII. Ad cap. II. de Const.

urn:nbn:de:hbz:466:1-10224

Canones
Gallicani à
Romanis fa-
siditi.

num Gallicanorum, quorum meminit Papa Hormisda, qui non multo post Gelasium floruit in *c. si quis diaconus. dist. 50.* Hos enim tanquam superfluos & inutiles à quibusdam neotericis Romanis neglectos fuisse conqueritur Agobardus Lugdunensis in libello contra legem Gundebadi ad Ludovicum Imperatorem capite XII. Ubi Romanos sui temporis perstringit, qui Gallicanos canones propterea insuper habebant, quod à recentioribus Romanis non commendati fuerint, quos tamen veteres religiosè venerati sint: Et in libello *de dispensatione rei Ecclesiasticae: c. XX.* Ubi ait, *rectius facere, qui ubicunq; magnarum synodorum statuta deficiunt, propter insuetas emergentes causas, antiquorum statuta, quæ merito reprehendenda non sunt, sequenda deliberat, quàm qui ea, quæ ipse sentit, eorum sensibus anteponit.* Hoc enim est quod hoc capitulo i. dicitur: *Nemo suo sensu, sed canonum, nempe Gallicanorum auctoritate ducatur.* Et ita sentit Johannes à Costa, vir doctissimus: Sed aliter mihi videtur. Nempe cum Episcopi in concilio Meldensi condidissent LXXIX. canones, jussit Rex eos ad se deferri, & in generali conventu in villâ Sparnaco ad Matronam fluvium examinari, in quo ex Procerum regni consilio statutum est XIX. tantum ex illis canonibus observandos esse: Ad hos igitur videtur pertinere, quod in hoc capitulo primo per modum sanctionis ad observationem reliquorum canonum hic statutum fuit. Vide P. de Marca lib. 6. de concord. sacerdot. & imp. 28.

CAP. VIII.

Ad cap. II. de Const.

S U M M A R I A.

- | | |
|--|---|
| 1. Gregorii primi Parentes, & vita. | 5. Cur initia decretalium Raymondus retinuerit. |
| 2. Integratio hujus capituli. | 6. Idem observarunt Juris civilis compilatores. |
| 3. Prohibita Judæis christiani mancipii emtio. | 7. Post alia, particula. |
| 4. Et infra, particula quid significant. | 8. Inter cetera. |
| | 9. Pars, caput &c. |

In-

Inscriptio est: Gregorius in Registro: Rectius; Regesto. De
 Regesto supra caput 8. Eclogæ primæ. Gregorius hic primus
 ejus nominis est, summus Pontifex, Gordiani Senatoris & Syl-
 viæ filius, Romanus Monachus, postea Ecclesiæ Romanæ Ar-
 chidiaconus, & Apocrisarius CPoli apud Imperatorem Mauri-
 tium, ut Onuphrius ait & Platina: Electus in Pontificatum anno
 Domini 590. Obiit IV. Idus Martias anno 604. Vir eruditus &
 pius & in sanctorum numerum relatus. In hoc capitulo post
 verbum; *Cognoscentes*, apud Gregorium ita sequitur: *Cognoscen-*
tes qualis fraternitatem vestram Zelus pro christianis mancipiis, quæ
Judei de Galliarum sinibus emunt, accenderit: adeo nobis sollicitu-
dinem vestram placuisse signamus, ut inhibendos eos ab hujusmodi
negotiatione nostra etiam deliberatio judicaret. Et post alia: Si
autem quedam ex iisdem mancipiis talem egritudinem fortasse in-
currerent, ut intra statutos dies vendi non valeant, adhibenda sollici-
tudo est, ut dum saluti fuerint pristina restituta, similiter modis omni-
bus distrabantur. Quia rem & cætera, quæ sequuntur apud Ray-
 mundum. Pertinet ergo Epistola Gregorii ad prohibitam Ju-
 dæis mancipii christiani emtionem atque adeo ad exornandum
 tit. C. utroque. *ne mancip. christia.* Cæterum in hoc capitulo oc-
 currunt hæc vocula: *Et infra:* Quæ ubique in hoc corpore Ju-
 ris reperiuntur, denotant partem aliquam integræ alicujus Episto-
 læ apponi solummodo, non integram illam. Gregoriana enim
 hæc editio & decretalium collectio, prolixitatem Epistolarum,
 quæ in prioribus compilationibus erat, recidit & ea tantum reti-
 nuit, quæ ad decisionem causæ pertinuerunt. Quare Raymun-
 dus ex prioribus editionibus retinuit initia epistolarum, propter
 allegationes glossæ veteris, & addit: *Et infra,* ut ostendat, à se
 quedam esse prætermissa, quæ ad rem non videbantur facere.
 Initia igitur capitum propter commentarios, & glossas non mu-
 tavit, quæ tum in manibus habebantur, ut certius ad textum re-
 curri posset. Vide Joh. Andreæ *ad cap. Nobis. x. de Jure Patrona-*
tus. Neque nova hæc Raymundi inventio est, notandi excerpta,
 sed jam olim usurpata à compilatoribus constitutionum & referi-
 ptorum Imperatoriorum, ubi partem tantum aliquam retulerunt

Gregorii
 primi Pa-
 rentes, &
 vita.

Integritio
 hujus capi-
 tuli.

Prohibita
 Judæis
 christiani
 mancipii
 emtio.
 Et infra,
 particula
 quid signifi-
 cent.

Cur initia
 decretalium
 Raymundus
 retinuerit.

Idem obser-
 varunt Ju-
 ris civilis
 compilato-
 ad res.

Post alia, ad rem pertinentem. Usitata enim illis particulae sunt: *Post alia,* ut liquet ex Codice Theodosiano in inscriptione *L. 6. de cognit. L. 3. de feriis. l. 4. de delat. l. 2. de temp. curs. l. 1. de act.* Interdum etiam adhibent *avri rē.* Et *infra,* verba; *Inter caetera.* In Codice Justiniano, *L. 3. In quibus caus. pig.* Pars ex rescripto Alex. Aug. ad Demosthenem. Et in *l. 4. C. de quest.* Pars ex rescripto Antonini. Et alibi: *Pars ex epistolā,* ut in *l. 13. de fidej. l. 6. de præsc. lon. tem.* Et in Pandectis: *Pars literarum,* ut *l. 38. de Judic.* Interdum *caput ex Rescripto,* ut *l. 1. ff. de interdic.* Vide Bart. ad *L. Galus. ff. de lib. & post. §. credendum. n. 5.*

CAP. IX.

Ad inscriptionem c. 9. de constitut.
Et de deputato ad mensam.

S U M M A R I A.

1. Clugiensis Episcopus quis.
2. Clugia, Choggia.
3. Initium capituli.
4. Decretalis ubi exstet.
5. Mensa bonorum quid.
6. Communis mensa.
7. Historia miraculosa.

*Clugiensis
Episcopus
quis.
Clugia,
Choggia.*

*Initium ca-
pituli.
Decretalis
ubi exstet.
Mensa bo-
norū quid.*

Innoentius III. hanc decretalem misit Clugiensi Episcopo: Quis ille? Legitur aliās, Flugiensis, Dugiensis, sed nihili id est. Retinendus Clugiensis. Clugia, Choggia, vel Chioza, alias Claudia Fossa, civitas Ducatus Veneti, in quam translatus fuit Episcopatus à Malamocco, sede Ducum Venetorum, propter maris inundationes, cum iisdem privilegiis & jurisdictione Anno 1100. ut habet chronicon Venetum: Sed Franciscus Sansovinus in historia Venetā hoc factum fuisse ait anno Christi 1009. Mentionem hujus insulæ Clugiæ positæ in mari Adriatico facit Carolus Crassus, Imperator in quadam Epistola ad Venetos, ut refert Sansovinus, eamque Clugium nominat. Incipit capitulum: *Cum M. Ferrariensis.* litera M. Martinum representat, quod habetur apud Innocentium III. *lib. 1. Epist. 98.* Exstat hæc decretalis integra in Compilatione III. c. 5. Fit autem in hoc capitulo mentio mensæ bonorum. Olim Clerici Ecclesiarum communi mensā frue-